

BIOGRAFSKI PODACI EDIN MUTAPČIĆ

Edin Mutapčić (sin Osmana i Hatidže) rođen je 07.09. 1973. godine u Sladni, općina Srebrenik. Diplomirao je 1998. godine na Filozofskom fakultetu u Tuzli i stekao zvanje profesora Historije – geografije. Magistrirao je na Pravnom fakultetu Univerziteta u Sarajevu 2005. godine, odbranom magistarskog rada pod naslovom: *„Agrarno zakonodavstvo i likvidacija agrarne reforme u Bosni i Hercegovini 1918 - 1941 godine“*, i stekao naučni stepen *magistra pravnih nauka*. Doktorsku disertaciju, pod naslovom *„Upravno - pravni položaj Usore i Soli od ranog srednjeg vijeka do početka XVII stoljeća“*, odbranio je na Pravnom fakultetu Univerziteta u Sarajevu, 28. avgusta 2008. godine, i stekao naučno zvanje *doktora pravnih nauka (dokaz: Ovjereni kopija Diplome br. 2298/09 od 26.03.2009. godine; Pravni fakultet Univerziteta u Sarajevu)*, pod mentorstvom prof. dr. Mustafe Imamovića.

U dosadašnjem radnom angažmanu obavljao je poslove nastavnika u osnovnim školama (Sladna, Rapatnica, Srebrenik I) te direktora JU Centar za kulturu i informisanje Srebrenik. Od 2008. godine zaposlen je na Pravnom fakultetu Univerziteta u Tuzli gdje je prošao kroz sva naučno-nastavna zvanja od docenta do redovnog profesora. Na ovom fakultetu je profesor na sva tri ciklusa studija gdje predaje predmete Državno-pravni razvitak BiH, Komparativna pravna historija, Bosanskohercegovačko komparativno pravo, Pravne kulture jugoistočne Evrope, Bosansko-hercegovačko pravo u evropskom kontekstu i dr). Obavljao dužnosti prodekana za Naučno istraživački rad (2008-2010) i Prodekana za nastavu i studentska pitanja (2010-2013). Pored toga izvodio je nastavu i na predmetima Historija Srednjovjekovne bosanske države I i II, te Historija jugoistočne Evrope u srednjem vijeku I i II na Filozofskom fakultetu Univerziteta u Tuzli. Učestvovao je u realizaciji nastave na PDS-u i II ciklusu na Pravnom fakultetu u Tuzli, Sarajevu i Zenici. Bio je voditelj je II i III ciklusa studija na Pravnom fakultetu u Tuzli i član Senata Univerziteta u Tuzli. Dobitnik je nekoliko priznanja među kojima i Plakete Općine Srebrenik za 2009. godinu. Autor i koautor je pet knjiga, te preko pedeset radova iz pravne, političke i kulturne historije Bosne i Hercegovine.